

BIH

srijeda
6. februar 2019.

EU planira sankcije protiv Dodika, njegove porodice i ljudi koji ga okružuju

Američki portal navodi razloge zbog kojih bi Milorad Dodik mogao biti sankcioniran od strane EU, a oni se odnose na ponašanje vlasti i policije RS-a prema demonstrantima iz grupe Pravda za Davida



MILORAD DODIK / ARHIVA OSLOBOĐENJA

A | A

Podijeli

Sankcije bi mogle uključivati i dalja ograničenja za RS, uz napomenu da nasilna represija protiv pokreta Pravda za Davida, zbog brutalne policijske akcija protiv demonstranata koja je šokirala savjest svijeta

Prema pisanju američkog portala *US Intelligence News*, koji se poziva na podatke američkih obavještajnih zvaničnika, Evropska unija planira uvesti sankcije protiv srpskog člana Predsjedništva BiH Milorada Dodika, članova njegove porodice i kruga ljudi oko njega.

Američki portal posjeća da je Ministarstvo finansija SAD-a već uvelo sankcije protiv Milorada Dodika, zato što je on „aktivno opstruirao napore za provođenje Dejtonskog sporazuma iz 1995. koji je okončao rat u Bosni i Hercegovini. Sankcije koje je uvela Kancelarija za kontrolu stranih sredstava (OFAC) Ministarstva finansija dozvoljavaju američkim vlastima da blokiraju pristup Milorada Dodika bilo kojoj njegovoj imovini ili imovini pod jurisdikcijom SAD-a, prenosi *BN TV*.

Američki portal dalje navodi razloge zbog kojih bi Milorad Dodik mogao biti sankcioniran od strane Evropske unije a oni se odnose na ponašanje vlasti i policije Republike Srpske prema demonstrantima iz grupe *Pravda za Davida*:

„Ljudsko dostojanstvo, sloboda, demokratija, jednakost, vladavina prava i poštovanje ljudskih prava - ove vrijednosti ugrađene su u ugovore EU. Povelja EU o temeljnim pravima je jasna i snažna izjava o pravima građana EU.

Stoga bi sankcije EU mogle uključivati i dalja ograničenja za Republiku Srpsku, uz napomenu da nasilna represija protiv pokreta Pravda za Davida u vezi sa slučajem David Dragičević, kada je brutalna policijska akcija protiv demonstranata Pravde za Davida „šokirala savjest svijeta“, zahtijeva puna istraga o *„užasnom napadu“ 25. decembra 2018. na Trgu Krajine u Banjoj Luci*, gdje je policija samovoljno privodila mirne demonstrante, uključujući starije ljude i djecu.

Videosnimci *hapšenja Davidovih roditelja Davora Dragičevića i Suzane Radanović* koji traže pravdu za svog pokojnog sina izazivaju snažne emocije i šokiraju svijet. Davor Dragičević pokrenuo je protestni pokret Pravda za Davida koji je prerastao u najveću antivladinu demonstraciju u Bosni i Hercegovini u posljednjih nekoliko decenija“, podsjeća američki portal.

Vlada Republike Srpske takođe mora preduzeti hitne mjere da bi poštovala pravo ljudi na slobodu izražavanja. Sankcije EU mogu uključivati i "embargo na (policijsku) opremu koja bi se mogla koristiti za unutrašnju represiju".

OSLOBOĐENJE PORTAL

TAGOVI

- EU
- MILORAD DODIK
- SANKCIJE
- PRAVDA ZA DAVIDA
- POLICIJSKA BRUTALNOST
- REPUBLIKA SRPSKA
- VLADA RS
- DAVOR DRAGIČEVIĆ
- SUZANA RADANOVIĆ

najnovije

BIH

Pravda već 16 mjeseci na čekanju: Suđenje Aliji Delimustafiću i suoptuženima deseti put odgođeno

08/02/2019 u 9:32 h

NOGOMET

Goran Zakarić: Zamišljam kakva bi to snaga bila da su svi na istom mjestu, kad ujedinjeni Jug zabruji

08/02/2019 u 9:37 h

REGION

Oglasila se voditeljica TV Pink Dea Đurđević: Hvala bogu da sam živa

08/02/2019 u 9:19 h